

三經同卷

盡八

佛說摩利支天陀羅尼呪經

佛說長者施報經

佛說毗沙門天王經

佛說摩利支天陀羅尼呪經

盡八

失譯人名開元附梁錄

如是我聞一時婆伽婆在舍衛國祇樹給孤獨園與大比丘衆千二百五十人俱爾時世尊告諸比丘有天名摩利支天常行日前彼

摩利支天無人能見無人能捉不爲人欺誑不爲人縛不爲人債其財物不爲怨家能得其便佛告諸比丘若有人知彼摩利支天名者應作是言我弟子某甲知彼摩利支天名故無人能見我無人能捉我不爲人欺誑我不爲人縛我不爲人債我財物不爲怨家能得我便爾時世尊告諸比丘是摩

利支天有陀羅尼咒能守護人即說咒曰

多唎他 頌迦末私 末迦末私 支婆羅

末私 烏途盧末私 摩訶支婆羅末私

安多利 陀那摩 莎訶

於行路中護我非行路中護我晝日護我夜

中護我於惡怨家護我王難護我賊難護我

於疫病中護我於阿鳩隸阿鳩隸無利支帝

吉利吉利安帝安帝於一切處一切時護我

弟子某甲莎婆訶

佛告諸比丘若有善男子善女人比丘比丘

尼優婆塞優婆夷國王大臣及諸人民聞是

摩利支天陀羅尼咒一心受持者不為如上

諸惡所害佛告諸比丘若有善男子善女人

書寫是經受持讀誦者一心齋戒淨治一室

以香泥塗地七日七夜誦持是摩利支天陀

羅尼咒滿一百八遍法八所經諸障一切怨賊並

皆息刃行時書寫是陀羅尼若有著髻中若

著衣中隨身行一切諸惡不能加害悉皆退

散無敢當者若遇疾病當請一淨戒比丘及

比丘尼優婆塞優婆夷如前淨治一室香泥

塗地燒種種名香設七盤果餅布五色壓設
五色飯請摩利支天然燈續明七日七夜誦
是摩利支天陀羅尼呪經滿二百徧一切病
鬼皆生慈心放於病人即得除差若遭縣官
所拘錄者亦如前淨室如法設供敷座然燈
續明七日七夜誦是摩利支天陀羅尼呪經
五百徧得如願已設齋散座一切厄難無不
滅除爾時諸比丘聞佛所說皆大歡喜信受
奉行
佛說摩利支天陀羅尼呪經

佛說長老施報經

宋朝散大夫試鴻臚卿明教大師法天奉 詔譯

如是我聞一時佛在舍衛國祇樹給孤獨園
爾時有長者名給孤獨來詣佛所頭面禮足
於一面坐佛告長者若復有人以上妙飲食
如法布施或自手施法八或恒時施三不能獲於廣
大福報於意云何以其彼人心求富貴及快
樂故若復有人不為衣食卧具富貴快樂以
妙飲食如法布施當得大富及得妻子男女
僕從眷屬孝順侍養於意云何以其彼人為